

*Suid-Afrikaanse
Woonwa-Assosiasie*
SAWA



*South African
Caravan Association*
SACA

Wawiel

Jaargang 32 Vol. 2



Wapadrand



Stiltetyd

My onderrig kom na julle toe soos reënwater, my woorde verkwik julle soos dou, soos sagte reëns op die grassies, soos reënbuie op die graan. (Deut32:2)

Hoe ek opstaan, bepaal my hele dag. As ek dieoggend haastig uit die bed spring en net vyf minute tyd het om my Bybel te lees en te bid, loop my hele dag van meet af skeef. Omtrent alles wat ek beplan, is 'n mislukking; ek is kort van draad en gejaagd; net mooi niks wil reg uitwerk nie. Maar as ek vroeg genoeg wakker word dat ek 'n uur alleen saam met God en sy Woord kan deurbring en my dag met Hom kan bespreek, loop alles gewoonlik reg. Ek is rustig en kan elke probleem wat opduik met god se wysheid en krag oplos. Hoe verder die dag verloop, hoe meer bewus word ek van God se teenwoordigheid in my en om my.

Jy kan ook in die jaar wat voorlê elke dag met selfvertroue en Godsvertroue binnegaan met die seker wete dat die dag en jaar vir jou 'n wenjaar gaan wees omdat jy God by jou het. Maar dan moet jy tyd maak vir God se onderrig – dan moet jy sy woorde toelaat om jou elke oggend soos dou te verkwik.

Hoe besiger jou dag en jaar gaan wees, hoe nodiger het jy jou tyd van stilte saam met God. Die domste ding wat jy kan doen, is om jou stiltetyd af te skeep omdat daar te veel ander dinge is wat tyd van jou gaan verg.

"Hemelse Vader, ek loof U vir die voorreg om elke oggend hersteltyd saam met U te kan inruim. Dankie dat die woorde uit u Woord my soos dou verkwik. Amen"

Anoniem

INHOUD

STILTETYD	BL 2
INHOUD	BL 3
BESTUURSLEDE	BL 4
REDAKSIONEEL	BL 5
UIT DIE VOORSITTER SE PEN	BL 6
WAT IS 'N OUMA?	BL 7
SAWA SE MISSIE	BL 8
BELANGRIKE SAAMTREKKE	BL 9
BANKBESONDERHEDE EN LEDEGELD.....	BL 9
SENIORS	BL 10
JEUG	BL 11
KAMPE:	
BOSVELD OASE	BL 12
KLEIN KARIBA	BL 13
SPELPOLISIE	BL 14
LIEF EN LEED	BL 15
VERJAARSDAE EN	
HUWELIKSHERDENKINGS	BL16
KAMPPROGRAM 2022	BL 17

Die 2021/2022 BESTUUR

VOORSITTER

Martin.a.rix@gmail.com

MARTIN RIX

Sel: 082 903 8342



ONDER VOORSITTER

Chris.pienaar@isithombe.co.za

CHRIS PIENAAR

Sel: 083 222 1920



SEKRETARESSE

janettat@vodamail.co.za

JANETTA TOERIEN

Sel: 082 325 5634



NUUSBRIEFREDAKTEUR

pienaars@netactive.co.za

DALEEN PIENAAR

Sel : 082 848 7478



PENNINGMEESTER

David.bronn@vodamail.co.za

DAVID BRÖNN

Sel: 082 878 9133



ADDISIONELE LID

bezuic@gmail.com

CHRISTO BEZUIDENHOUDT

Sel: 082 551 3475



ADDISIONELE LID

pienaars@netactive.co.za

DALEEN PIENAAR

Sel: 082 848 7478



Redaksioneel

En so groet ons 2021! Dit was 'n jaar met hoogtepunte en laagtepunte en kom ons onthou maar die goeie.

Ek besef net weer hoe waardevol goeie vriendskappe van Sawanante is en dank elkeen wat mekaar in die jaar ondersteun het met 'n mooi verjaarsdagboodskappie of 'n boodskap van bemoediging.

Onthou asb om julle artikels in te stuur. Enige persoon is welkom om 'n kamp se verslag te skryf.



Uit die Voorsitter se pen

Beste Wapadranders

Die jaar is verby en ons sien almal uit na 'n welverdiende vakansie!

Die afgelope jaar het ons almal op verskillende maniere beleef. Party het geliefdes verloor, party was baie siek en ander moes hulleself mooi oppas en amper die heeltyd in isolasie leef om nie die gevreesde Covid-19 op te doen nie. Hoe ookal jou jaar was, ons is bly dat jy die jaar kan uitsien!

Op 'n meer positiewe noot, ons het darem weer kon kamp die afgelope jaar en almal wat dit meegemaak het, sal met my saamstem dat elke kamp soos gewoonlik sy eie hoogtepunte gehad het. Ek is seker 2022 gaan nie sonder uitdagings wees nie, maar kom ons maak gebruik van die geleenthede om te kamp om net weer asem te haal en nie verswolg te word in al die aktiwiteite van die wêreld nie. Ek wil groot asseblief vra dat elkeen in sy vermoë sal kom kamp, want die jaarprogram is so opgestel dat ons by elke kamp lekker kan kamp en ook vriende kan saamnooi om ook saam met ons die kamptreksels te geniet.

Net weer om almal te herinner aan hoe die nuwe jaar se program lyk, sien onder:

Januarie, 14-16 – Kamp Reilynn
Februarie, 18-20 – Jajaja
Maart, 18-21 – Afsaal
April, 14-18 – Presidente, Klipdraai
Mei, 20-22 – Buffelspoort
Junie, 17-19 – Klein Kariba
Augustus, 19-21 – AJV, Bosveld Oase
September, 16 – 18 - Almega
Oktober, 21-23 – Dinokeng Oord
November, 18-20 – Drie Berge



Met so 'n lekker kampjaar wat voorlê, kom ons probeer om weer aktief te kamp en ook om soveel as moontlik nuwe lede aan te spoor om saam te kom kamp.

Geniet die rus tydens die vakansie en waar julle ookal reis, ry versigtig en bly veilig!

Aan ons Hemelse Vader, dankie vir nog 'n jaar wat ons kon beleef! Mag 2022 vol vreugde, vrede en liefde wees.

Waprandgroete

MARTIN



WAT IS N OUMA...



'n Ouma is 'n tannie wat te oud is om self kinders te hê daarom het sy ander mense se kinders lief.

'n Ouma is baie slim. Wanneer jy saam met haar gaan stap, noem sy jou die naam van elke blom, boom of voëltjie.

Maar sy is darem nie té slim nie want sy ken nie al die karre en motorfietse se name nie.

'n Ouma kan baie lank stilsit, vernaamlik in die kerk, want sy sit dan op haar lekker sagte vet.

'n Ouma ken ook al die liede wat hul sing sommer so uit haar kop uit.

'n Ouma dra 'n bril en snaakse onderklere en kan haar tande en tandvleise uithaal.

'n Ouma kook konfyt wat mens met die hand kan eet.

'n Ouma lag altyd vir jou grappe en raas nooit nie.

Almal moet tog probeer om 'n ouma te hê, want sy het baie tyd om met kinders te speel.

'n Ouma dink ook nie 'n kind moet pakslae kry nie.

As jy huil , moet jy baie hard huil, want dan gee 'n ouma vir jou lekkers en partymaal betaal sy jou ook vir jou tranе.

Mens verstaan nie altyd oumas nie, want wanneer sy siek voel huil sy maar sê nee, sy het nie pyn nie. Lyk my oumas kan jok ook.

Maar ek glo haar wanneer sy sê ek is die mooiste in die hele werêld.
O ja! Oupa's is mans-Ouma's

Anoniem



MISSIE

Om te streef daarna om vir alle Afrikaans georiënteerde woonwagangers met Christelike beginsels, 'n tuiste te bied waar hulle hul beginsels en kultuur kan uitleef en die geleentheid te skep waar dit saam met geesgenote so bekostigbaar as moontlik gedoen kan word.

Om die belang van ons lede te bevorder deur onderhandeling en samewerking met ander instansies.

Om die balans tussen die belang van die natuur en die mens te handhaaf.

Om alles in die Hand van die Skepper te sien en Hom daarvoor te huldig.

WAARDES

Christenskap

Lojaliteit

Respek

Integriteit

Eerlikheid

Diensbaarheid

Verdraagsaamheid

Verantwoordelikheid



Opsomming van belangrike saamtrekke vir 2022

Saamtrek	Plek	Datum
Presidente Senior Burger	Klipdraai	1 – 13 April 2022
Presidente	Klipdraai	14 – 17 April 2022
Nasionaal	Klipdraai	23 – 24 September 2022

BANKBESONDERHEDE

BANK: ABSA
REKENINGHOUER: SAWA STREEK WAPADRAND
REKENINGNOMMER: 92 90 59 1967
TAKKODE: 632005

LEDEGELD

Eenmalige aansluitingsfooi: R120

Ledegeld:
Kontant Debietorder
R425 R425

Baie belangrik: Meld te alle tye jou lidnommer en/of die Streek naam vir enige inbetaling.

Seniors:



Die laaste jaar moes ons 'n klompie seniors groet.

Edward en Marthie Leach -

Verhuis na Strand toe en word
3 kleinkinders ryker.

Naudé en Marié van Heerden -

Verhuis na Danabaai

Tienie en Joy Cronjé -

Aftrede

Wynandt en Linda Theron -

Verhuis na Negester

Ron en Joey Velloen -

Aftrede

Herman Groenewald - Oorlede

Julle almal het diep spore in SAWA getrap en die Wapadranders sal julle geweldig mis.

Julle sal altyd welkom wees om 'n keer te kom saamkamp en laat 'n "legacy" agter wat ons koester.



Jeug

Die klompie kinders geniet die buitelewe en baljaar natuurlik heerlik in die swembaddens en saans speel 'n klomp saam speletjies.



Kettie en Klip word nou mooi groot Weet net nie van soet nie



Saans is daar bordspeletjies gespeel



Lekker warm sonskyn, mooi swembaddens, wat kan mens meer vra?



Bosveld Oase

Lowerryke grasperke is natuurlik hierdie kampterrein se grootste bate en met 'n mooi skoon kampterrein en 'n klomp swembaddens is Bosveld Oase een van ons gunstelinge.

Chris en Daleen Pienaar was kampkommandante en gelukkig het hulle ook hulp gehad van die kinders wat ywerig gehelp het met Vrydagaand se boereworsrolle.

Met so 'n gerieflike kampterrein het mens nie nodig om iets te reël vir die kinders nie en Saterdag moes ons net keer met die sonbrandroom om die velletjies te beskerm.

Saterdagaand het ons natuurlik die gebruiklike saambraai gehad en elke gesin het 'n slaai of gereg gegee en gou was die tafels vol van bykosse en ons het heerlik saam gekuier en geëet.

Ons het heelwat gaste gehad en sê dankie aan elke Wapadrander wat hulle oulike vriende saamnooi.



Vroeg reeds al het die vure gebrand

Chris en Daleen was kampkommandante



So baie geregte om van te kies



Klein Kariba 5-7 November 2021

Ons kamp by Klein Kariba het net te vinnig gekom. Vrydag was daar, soos altyd, 'n oor-en-weer gegroetery na ons mekaar vir 'n ruk nie gesien het nie.

Die boekvat en saambraai daarna was lekker gesellig.

Ons gaste, Eckard en Shané Botha, met hulle drie kindertjies, het entoesiasties meegedoen aan al die bedrywighede van die naweek. Ek hoop regtig hulle kamp weer saam.

Naby die kampterrein was hout klimrame waar ons jonger kampeerders lekker gespeel het totdat 'n groot bobbejaanmannetjie aan die anderkant van die stroompie sy stem dik gemaak het. Onnodig om te sê, die klimrame was toe nie meer so 'n lekker speelplek nie.

Almal het die warm- en koue swembaddens baie geniet. Die reënbus wat Saterdagmiddag oor die buiteswembaddens uitgesak het, het bygedra tot meer pret in die water.

Laat Saterdagmiddag het almal met groot verwagting om Andy se kersboom stelling ingeneem. Die kindertjies was baie teleurgesteld toe hulle verneem dat Kersvader sy draai in die kamp gemaak het en die geskenke onder die boom gepak het terwyl almal by die swembaddens was. Na boekvat het die tyd aangebreek om die geskenke uit te deel. Dit bly lekker vir oud en jonk om 'n toegedraaide pakkie oop te maak. In meer as een van die geskenkies het dinosourusse uitgeklim. Vir die res van die naweek was dit vir die grootmense 'n uitdaging om na elke spelessessie weer elke dinosaurus by sy regte kind te kry.

Die saambraai was soos altyd weer baie gesellig. Die dames het moeite gedoen met die bykosse en nagereg.

Sondagoggend het ons na 'n opname van 'n erediens geluister.

Die lekker eetgoed by die voorsittersafsluiting het die naweek perfek afgesluit.

Nadat die meeste van ons al op pad was huistoe, het ons op ons fone 'n foto gekry van 'n boom wat omgeval het op die plek waar Wynand en Bets se dogter Nadia se tent gestaan het. Dit was amper 'n groot ongeluk. Gelukkig het niemand seergekry nie.

Baie dankie aan die bestuur vir 'n baie lekker kamp.

Bettie

Daar word heerlik saam om die kersboom gekuier



Groot boom val die wa gelukkig mis



Die Spelpolisie

Vandag wil ek kla oor die spelpolisie. Wat is vout met n ou spelvoukie. Almal op wup kann of wil nie spel nie. My oom was in n omgeluk en toe ek dit noem word ek uitgehal asof ek nie kan spel nie. Twee buste het teenmekaar gebots. Ek waardeur dit as mense ander reghelp maar ek het nie raat nodig.

Einklik wou ek julle raat vra.

My hond het gister lis gewees vir n stukkie fleis en toe freet hy dit somer met een sluk op. Volgende keer gee ek hom iets anders om te eet wat biekie langer hou. Miskien iets wat hart is. Wat dink julle is goet om hom te gee.

Geniet julle daggie.

die karoorusin in Pretoria-Noord waar agt mense na verwagting gaan verskyn op 'n rit sanklagte wat met kinderpornografie te doen het.

Daar was ook familielede van die beskuldigdes in Hof F teenwoordig, maar hulle het geweier om iets oor die saak te sê.

Verwante ska
• [Kinderporno: 8](#)

A++

In Huseinaar wat blyplek verhuur aan van die verdagtes, het gesê wat daar aangaan tot dat die polisie by die eiendom noord van Pretoria gaan. Daar was ook familielede van die beskuldigdes in Hof F teenwoordig, maar hulle het geweier om iets oor die saak te sê.

Die vooropige kragte sit in verkeagting, besedelike aanranding en kinderpornografie.

Van die mense wat in hechtenis geneem is sluit in 'n oupa, oma, hul huwelike, die oupa se broer en die se vrou en hul verstandelik vertroue een van hul seuns is ook in hechtenis geneem. - Sapa

Lief en Leed

Chris en Daleen Pienaar se kleinseun het sy arm gebreek, Hy moes wag vir die uitslag van die Covid-toets voor hy kon opgeneem word. Sy ma het positief getoets vir Covid en sy pa moes hom toe vergesel ina die hospitaal. Dit het goed gegaan met die operasie en hy is aan die herstel.

Daleen Pienaar se dogter Helen is in Desember getroud



Helene en David Bowrin



Chris en Daleen Pienaar en Kinders

Mieke Pienaar het haar BCom Marketing Graad verwerf en is gekies as Honneurs student. Baie Geluk Mieke!

Carel en Riana Combrink het 'n kleinseun ryker geword—Baie Geluk

Verjaarsdae en Huweliksherdenkings

Veels geluk aan almal wat in hierdie tyd verjaar het en hulle huweliksherdenking gevier het.

Verjaarsdae: Oktober, November, Desember

Bettie	Mullins	6	Oktober
Edward	Leach	19	Oktober
Erika	De Kock	24	Oktober
Gräbe	De Villiers	29	Oktober
Lizel	Visser	29	Oktober
Joey	Velloen	03	November
Jenny	Pienaar	08	November
Henk	Pienaar	30	November
Jos	Rabie	03	Desember
Rina	Van Aswegen	04	Desember
Sarie	Bezuidenhout	13	Desember
Lucille	Groenewald	16	Desember
Susan	Troskie	16	Desember
Stephanie	Brönn	28	Desember

Huweliksherdenkings:

Wynand en Betsie Theron	04 Oktober	24 Jaar
Sarie en Christo Bezuidenhout	19 Oktober	25 Jaar
Amanda en Kobus Burger	15 Desember	42 Jaar
Martin en Tertia Rix	19 Desember	40 Jaar
Chris en Daleen Pienaar	20 Desember	24 Jaar



SAWA Wapadrand Jaarprogram 2022

2022 Kampnaweke		2022 Kampplekke		Plekk e	Bestuurslid/ Kampkommandant
Januarie	7-9	14-16	21-23	28-30	Reinhardt se plek
Februarie	4-6	11-13	18-20	25-27	Jalala
Maart	4-6	11-13	18-21	25-27	Afsaal
April	1-3	8-10	14-18	22-24	29-2 Presidente
Mei	6-8	13-15	20-22	27-29	Buffelspoort
Junie	3-5	10-12	17-19	24-26	Klein Kariba
Julie	1-3	8-10	15-17	22-24	29-31
Augustus	5-7	12-14	19-21	26-28	Bosveld Oase
September	2-4	9-11	16-18	23-25	30-2 Almega
Okttober	7-9	14-16	21-23	28-30	Dinokeng oord
November	4-6	11-13	18-20	25-27	Drie Berge
Desember	2-4	9-11	15-18	23-27	30-1